



بالفصح

والحميا وينها، وين الفتيله .. ؟!
وين (ويلك يالي تعاديننا ياويلك ويل) !!..
وين الكرم ..
والجوع ذل أطفالنا ..
وأحوالنا صعبة .. مذلة
بس يا الله ..
(بالله تصبو ا هالقهوة وزيدوها هيل)
إنتبه يا المدعي ..
لا تنفضح بالحيل .

(4)

غزة تصيح ..
وتراك لو ما فكرت بأمرك ..
وفقت من سكرات خمرك ..
مثلها ، يوم بتصيح .
يعني (كفاية) .. بالفصح .

صالح الشادي

لاتستريح اليوم ..
وإغنم ماتبي من حلم باكر ، لو بغيت -
وعيش ..
لكن قبلها، اسعف ولد عمك جريح ..
الدم من همه يسيح !! .
الريح هبت ..
إنت تدري وش يبي يصير الوطن ..
لو ماطفيت الجمر بيدك ..؟!
التغاضي مايفيدك ..
إنتبه..
لاتستريح .

(3)

غزة تصيح ..
وين التباهي والقصيد الي يهز أشنابنا ..؟!
وين الوغى وأعرابنا ، والمستحيل ؟!
وين الصهيل .. ؟!
وين السواليف الهزيله -

(1)

هذا قدر ..
ندري قدر ..
لكن من الي وصل الشعب المجاهد للفقير ؟
من قطع أوصال البدن ..
من جن ، وإغتال القمر . ؟
رب البشر ؟!
الي خلق هذا الزهر ..
ما أظن .. يحرمه المطر .. !
ربك لطيفٍ بالبشر .

(2)

غزة تصيح :
يامستريح إصحي ترى دورك بعد غزّة ..
وغزة تقول إحذر.. يا الشعب ..
ولا تكون في أرضك حطب ..
ولا تدعي إنك كسيح !! .